

愚

齋

存

稿

愚齋存稿卷第九十二

電報補遺目錄

津督王夔帥來電

鄂督張香帥來電

北京李傅相來電

鄂督張香帥來電

又

又

寄成都署鹿滋帥

寄漢口嚴佑之

鄂督張香帥來電

寄張香帥

寄江督劉峴帥

寄鄂督張香帥

又

又

鄂督張香帥來電

北京李傅相來電

寄李傅相

寄津督王夔帥

寄京李傅相

京李傅相來電

鄂督署來電

寄京李傅相

李傅相來電

直督王夔帥來電

京傅相來電

寄鄂督張香帥

又

北京李傅相來電

寄京李傅相

北京總署來電

寄總署

寄直督王夔帥

鄂督張香帥來電

北京朱守寶奎來電

直督王夔帥來電

寄京朱守寶奎

又

鄂督張香帥來電

寄直督王夔帥

寄鄂督張香帥

北京李傅相來電

寄津督王夔帥

寄李傅相

寄李傅相

寄津督王夔帥

又

寄北京李傅相

寄鄂督張香帥

寄鄂督張香帥

寄鄂督張香帥

寄鄂督張香帥

愚齋有稿

卷九十二目錄

三

張香帥來電

寄津督王夔帥鄂督張香帥

寄李傅相翁中堂

張香帥來電

寄李傅相

直督王夔帥來電

北京李傅相來電

寄北京李傅相

又

寄杭州廖毅似中丞壽豐

北京李傅相來電

鄂督張香帥來電

鄂督張香帥來電

寄張香帥

寄京朱子文

寄滬黃子元

寄京朱子文

寄北京比使

北京比費使來電

北京朱子文來電

又

又

寄鄂督張香帥

北京柏憲章來電

寄津鄂兩督帥

北京總署來電

鄂督張香帥來電

又

滬黃道開甲來電

寄滬黃道開甲

又

滬黃道開甲來電

寄滬黃道開甲

津督王夔帥來電

寄滬黃子元觀察

北京柏憲章來電

寄滬黃子元觀察

寄北京李傅相

寄天津朱子文電

寄劉峴帥

寄京總署

甯督劉峴帥來電

京柏憲章來電

寄夔帥

京李傅相來電

京柏憲章來電

津督王夔帥來電

鄂督張香帥來電

京馮志先來電

寄江督劉峴帥

寄北京翁中堂李中堂

香帥致總署電

又

江督劉峴帥來電

直督王夔帥來電

寄直督王夔帥

寄鄂督張香帥

寄京馮志先

寄直督王夔帥鄂督張香帥

寄江督劉峴帥

寄京馮志先轉翁相國

京柏憲章來電

甯督劉峴帥來電

又

鄂督張香帥來電

寄津甯鄂三督帥

江督劉峴帥來電

寄劉峴帥

寄北京比國費使

北京比國費使來電

北京馮志先來電

寄王夔帥張香帥

湘撫陳右帥來電

北京柏令斌來電

湘撫陳右帥來電

北京李傅相來電

江督劉峴帥來電

杭州惲松雲方伯來電

寄杭州惲方伯

北京李傅相來電

鄂督張香帥來電

寄倫敦羅公使

鄂督張香帥來電

寄華盛頓伍秩庸星使

寄武昌張督帥長沙陳撫帥

寄北京總署

寄津鄂督帥

北京柏憲章來電

江督劉峴帥來電

寄鄂督張香帥

寄華盛頓伍星使

寄安慶鄧小赤中丞華熙

寄京李傅相

寄杭州廖穀似中丞壽豐

寄甯津鄂三督帥

華盛頓伍星使來電

寄華盛頓伍秩庸星使

長沙陳中丞寶箴來電

北京李傅相來電

寄華頓伍欽使

寄直督王夔帥鄂督張香帥

江督劉峴帥來電

寄津督王夔帥

津督王夔帥來電

寄津督王夔帥

寄津甯鄂督帥蘇杭湘撫帥

寄華盛頓伍欽使

寄江督劉峴帥

華盛頓伍星使來電

江督劉峴帥來電

鄂撫譚中丞繼洵來電

寄劉峴帥

北京譚子雲太史啟瑞來電

寄譚子雲太史

京馮志先來電

寄北京翁韋齋太史轉呈中堂

寄吉林延將軍盛京依將軍

寄華盛頓伍秩庸星使

寄京總署

寄京翁韋齋太史轉呈中堂

愚齋存藁

卷九十二目錄

九

鄂督張香帥來電

長沙陳右銘中丞來電

寄京翁韋齋太史轉呈中堂

華盛頓伍欽差來電

寄皖撫鄧小赤中丞華熙

京馮志先轉翁相國來電

津督王夔帥來電

京馮志先來電

寄張香帥

寄鄂督張香帥

津督王夔帥來電

寄美京伍星使

寄廣州譚文卿制軍許仙屏中丞

鄂督張香帥來電

江甯鎮江探投張香帥

寄京李中堂

又

又

又

寄鄂督張香帥

愚齋存稿

卷九十二目錄

十

臣補樓

又

津督王夔帥來電

寄京李傅相

京總署來電

寄京總署

愚齋存稿卷第九十二

電報補遺六十九

津督王夔帥來電

六月初七日

並致張香帥

頃接京兆復電稱接道通州一路出自大司農意
堅囑機密勿先聲明現因通州王公大臣墳墓過
多頗難下手查京倉十三倉僅有兩倉在通餘在
齊化門內外擬於秋後勘路先接至齊化門一帶
以通運道等語謹轉聞

鄂督張香帥來電

六月初十日

頃蔡道電云比領事昨日回漢今日來見謂借款

合同一切仍舊均可照辦惟原議借款有未詳盡
明晰之處宜力解釋添入附款如此項借款係專
爲鐵路之用不能挪作銀行別款及訂雇洋匠人
數薪工之類與原定合同尤無出入應由盛大臣
與德福尼等妥商官可不問且上海本有比國領
事伊不便越俎不必赴滬等語法蘭吉顯係推諉
但其謂合同一切仍舊亦不可解應否仍令該領
事赴滬請酌辦但恐伊均推謝耳

北京李傅相來電

六月十四日

俄使送來合同稿已行尊處俟覆到再復俄使並

無另函比用費由弟酌辦費難遙制

鄂督張香帥來電

六月十八日

比人要求無信尊議煞費苦心統請與夔帥商酌辦理

又

六月十九日

焦炭一事夔帥咸電云已切告幫辦楊守據稱無停爐之說現加緊趕辦約封河前萬二千噸斷不得少尙能多運必當極力張道回津再行催詢等語等處想已接有回電竊揣若不加催張道斷不肯多運必仍延宕似不能不稍遷就惟高明酌之

再東洋商人以煤易礦之議已定否甚念祈詳示

又

六月二十一日

頃接張羅澄自滬通瀛公所來電稱滬有的實洋款千萬利五釐內但修鐵路不須抵押如用速復等語此事甚突兀此項洋款究係何國是否的確請就近密查姑備將來續借款之用張羅澄聞名未見至通瀛公所係辦何事並請查示

寄成都署鹿滋帥

六月二十日

嚴紳復電滋帥電西陽缺米不缺錢龍洋不通欲將七萬派員在湘黔買米運西一捐戶物議二運米延緩霖

到酉候米無期放錢無款必至束手卽霖自運亦必兩
三月且運放需人弊端百出果慮無米霖前電請滋帥
先放官賑乞公電復將官款派員運米先放兼辦平糶
或招商准免關稅釐金商運必多霖到隨時查放錢米
俱不患缺方可有益災區龍洋有地方官示無不通行
之慮去歲湘賑可驗此輕而易舉至速至便霖恐誤人
性命尊處七萬仍請解漢霖明日起程云當與各紳商
面商十萬均卽備現款交嚴紳帶往所請先放官賑再
以義賑補不足嚴恐義賑遲也乞鈞裁

寄漢口嚴佑之

六月二十二日

頃鹿帥電十一等日電請將義賑七萬撥川由川匯常德如已撥湘卽將號名示知以便派員往取並以酉賑缺米不宜攜用龍洋均未得復酉距成都二十餘站常德距酉秀亦相等約計佑之入酉在七月底派員購運挽救尤遲輾轉稽時饑黎難待務希照前電速復俾便轉飭取銀購辦卽擬由黔採買順運免致延誤有負義舉云望速徑復滋帥

鄂督張香帥來電

六月二十三日

嚴佑之赴酉陽放賑已飭局備銀圓六萬帶往應用並派輪送常德惟今春鄂省請佑之來鄂放賑

渠堅不肯來謂須鄂備現銀十萬方可此次又自帶現十萬賑川川楚之民何有幸有不幸耶至川重在夔維款則必川何以獨賑酉陽亦未解

寄張香帥

六月二十三日

東湖士子輪船價減半從前開辦宜埠止有局船故能通融成例沙市開埠與各口同係三公司派船合走減腳因恐各口效尤怡太亦不允乞轉電俞道原諒

寄江督劉峴帥

六月二十四日

昨派鄭丞孝胥賁函稟商紗廠事關係商務頗重乞傳見詳詢之可否如此辦法並求先行電示以備操縱

寄鄂督張香帥

七月初五日

北洋歌電接初三 寄諭津榆歸併津盧責成胡接續
辦理逐漸展拓係總署議准李念茲條陳當卽飭張道
等趕緊料理交代傅相前稱變局係指此舉但求展拓
讓賢最妥

又七月初八日

鐵路出入俱用規平現在鐵廠均屬鐵路撥款若照長
平估實則帳目均須更改可否請俟百萬繳完一總補
繳在鐵廠易於算帳在鐵路可將平餘作外銷如蒙俯
允卽將來往電咨呈立案

又七月初十日

請速寄龍洋二萬元擬乘機試用每萬庫平七千二百兩之外貼費若干速示

鄂督張香帥來電

七月十三日

商人附鑄小元甚多應接不暇大龍元多日未鑄現無存者請寄現銀來當照數鑄寄局無款可墊大約每萬元需鑄本估平寶七千一百兩別無貼費

北京李傅相來電

七月十三日

鑄電借款想仍美領所議紐約何人來能作主匪

豐現議四釐五息八五五扣先十年付息十一年起至五十一年止按年還本除利均半年一付年內千六百萬鎊交清較英德前借稍異應照此先議大略再令入都

寄李傅相

七月十四日

元電已密與佑尼干商酌允再電紐約大略議妥或紐約派人來或卽派佑尼干未定但四釐五息八五五扣較五釐息九五扣孰便宜須再細核此章程是否匯豐已允亦係我所索彼尙未允乞示併達大農

寄津督王夔帥

七月十七日

津元到與廣鄂花樣稍異初用必難請預備數節候電
再寄營口至感

寄京李傅相 七月十六日

約恐搖惑遵卽畫押

京李傅相來電 七月十七日

諫四電均悉此事費心商籌與司農同深感謝借
款事宜隨事隨時均經互商尊處咨送草合同儘
可將前奉五月十二日 諭旨裝入送總署擬
先具摺奏明福祿受宜令逕到敝處勿知照總
稅司以免搖惑

鄂督署來電

七月十八日

鐵政局收款皆係折合長平估寶前已奏明總數
卽須照此報銷鐵廠繳款亦須照此奏報不能以
規銀作收而留出申平作報銷也且湖北鐵廠之
款若出入均按規銀亦難措詞若鐵路之帳係用
規銀則每次繳款敘明規銀幾萬幾千兩折合長
平估寶銀幾萬幾千兩似亦不難務請督酌爲荷
再部款已發前議先付二十五萬望卽全數撥付
賈銀除新繳五萬外仍祈速撥二十萬至劉道學
詢之五萬望於下次撥付時扣抵爲感渠但欲此

項有著不爭數月遲早此間槍礮廠添機津廠需款甚急至紗廠已另借四十萬與此不相涉祈鑒

寄京李傅相

七月十八日

現已派定繙譯朱寶奎狀師哈華托同福祿受二十日起程到京先謁鈞座英使已來知會否

李傅相來電

七月十九日

哈華托同來最妥英使在淀寺避暑未回其人不
至壞事只要該公司結實可靠勿蹈德貞變轍各
國皆謠比事難成當局盼望甚切

直督王夔帥來電

七月十八日

接聶函稱太古合同已經畫押恐難翻悔商局如
能代爲議退俟妥電復再另派員赴滬到局訂議
否則須待來年再歸商局也等因韶近日感暑疾
甚糾纏士周到津五日尙未能見困憊可知如何
作復卽逕電功亭免致延誤卽如此信十五已來
今日始勉強清理及此也

京傅相來電

七月二十一日

二十電交銀期限扣辦到大妙英德前案洋文卽
檢出俟面交羅使篠電詢確否是倫敦已喧傳矣

寄鄂督張香帥

七月二十三日

大龍圖每萬需鑄本七千一百兩別無貼費遵已咨解
估寶七萬一千兩請速代鑄大圓十萬分解目前鷹洋
短少或可乘機試用

又七月二十五日

佑帥所言 朝議定後宜請明降 諭旨飭各省遴

委員紳協同勘路自應如此蔣少穆傳述恭邸語籌款
有著則可行楚秋允差竣到鄂面商宣所欲先勘大概
者止用兩華人札內止說勘查礦產不動聲色此卽佑
帥所謂道路便否當以地形爲據也乞鈞裁轉商佑帥
北京李傅相來電 七月二十八日

昨見福祿受頗明爽允正約畫押後卽以十萬鎊票交羅使作押令議約稿下午至總署會議如無別項要挾可望有成

寄京李傅相

七月二十八日

福在滬已與再三堅約不致別有要挾美德倫謂呼利公司甚富上海匯豐亦言其可靠福允十萬鎊票作押似無欺騙之理

北京總署來電

七月二十九日

法因署使催詢龍州至越南來往遞電一年之久何故不行等語前咨行尙未復到希卽查明電復

寄總署 七月三十日

前奉文後卽飭洋總管查龍州至越南電報開辦後並無不通惟一年後來往遞電若干次數須俟龍州局員復到再電達

寄直督王夔帥 八月初一日

詢長久山知福體全愈甚慰比領事送印之合同已蓋印否上海現缺鷹洋請卽飭東局速鑄大龍圓十萬解滬交銀行試用借此銷通機不可失但須八月內解到十萬元需工本銀若干候示卽解

鄂督張香帥來電 七月三十日

秋暑未退銀圓局初間方能開工代鑄十萬元均
勻加工五日可成萬元十日一解五批可完如鑄
請照匯銀來鄂

北京朱守寶奎來電

八月初一日

外部已電英使惟今晨相未提及想尙未送署然
奎聞報內言語甚爲含糊恐不能爲力今晨羅使
致相電內有恐事難成四字此皆福在倫敦時羅
允電告總署呼利公司情形而福到京後面詢台
肥悉並無一電是以福卽電公司羅不可靠須留
神等語故羅來電總不接洽奎已將此情面稟合

肥矣前電所稟十萬鎊押款一事總署要票交到方能畫押福不允今擬定正約議妥後卽鈔一份寄倫敦由公司交羅十萬鎊存票總署接羅收到電報方能在華簽字福卽在華等候也

直督王夔帥來電

八月初三日

龍圖已飭局趕造月內十萬儘可無誤代鑄合銀數目定有章程由局開單函達此款合同專差二十四日到卽日蓋印次早卽送京領事處一份亦已送印惟湖督尙漏一顆耳聞代總署經借洋款業有定議極大擔承諸維慎重

寄京朱守寶奎

八月初三日

昨相電外部來電呼利借款 國家不過問則押款最要今議定先交十萬鎊正約始畫押據云電不能詳須將約底寄到核明乃可給票當遲至九月中旬彼注意鐵路告以正約畫後再與盛酌議此事成否竟無把握等語我想遲至九月中事必變卦福在滬稱有全權何以十萬鎊不能做主鐵路只須正約畫後即可來滬酌議望再勸其摘要電呼先交押款速簽正約否則呼事無成匪豐又止美國亦未必議美議成則鐵路亦歸美矣

又 八月初三日

閱子元電福請中國銀行代出十萬鎊票董事不允且
總署現要信押者只因竇羅均有閒言恐成畫餅故欲
信押而後簽定中國銀票必難取信如福有把握卽付
交羅使十萬無礙如無把握何必多此一舉愚見只要
條款妥實卽使呼利無力倫敦銀市亦必有人承受此
合同福何如此膽怯如呼利等定要見條款後方肯付
十萬押款只得摘要電英成否回電可決如呼實做不
到亦應早讓他人不可延宕

鄂督張香帥來電 八月初四日

頃陳中丞來電云盛京卿電用兩華人先勘大概
辦法極妥惟欲不動聲色似不如由憲台會札查
煤較鐵路大臣專銜查礦尤無疑議是否並乞轉
商箴卽冬等語鄙意擬會尊處佑帥及敝處三銜
委查漢陽鐵廠需用之佳煤礦最妥卽請主稿委
員三處均須會卽爲要

寄直督王夔帥

八月初四日

龍圓請先寄數千或一萬交招商局裝來滬市尙未見
須與湖北比較鉅款因釐金鹽課抵押匯豐請將釐金
歸稅司大農不允總署屬與呼利公司另議卽恭佩珥

之銀東也昨赴署立條款彼仍注意鐵路與峴帥商擬
議蘇滬路款未知有無把握

寄鄂督張香帥

八月初六日

錫樂巴蘇滬路圖並未交來詢淞滬局員亦未見過良
濟所繪鎮甯路圖亦不肯交大約不歸彼辦則不交錫
尤奇

北京李傅相來電

八月初七日

福議鐵路草約定稿而不畫押俟來京畫借約後
再回滬辦然善變未知信否路約內不提借款爲
妥

是列不事
寄津督王夔帥

八月初十日

聞天津龍圓較騰洋每千元短平七兩六錢短色二兩六錢請飭所司較準勿短平色以便通行並請先還一萬到滬試用後再電請續發

寄李傅相

八月十三日

昨有美國上議院紳三人來見係銀黨頗想設法平金價已赴京請謁

寄李傅相

八月十九日

現除買料五釐德已允改給費用亦祇能五釐爲度向來賣票小費不過一二釐費使來電堅索三十萬鎊乃

合七釐費袒甚昨已電比外部並託郭格里轉告銀公
司勿堅執致決裂頃復費電乞閱後轉交

寄津督王夔帥

七月初四日

北洋淮練各軍採買兵米向由局輪裝運係遵照奏案
凡官物悉歸局輪不得爲洋船爭攬以保利權頃聞聶
軍門委員蔡殿元私與太古議裝而太古必肯跌價爭
攬一軍如此勢必各軍效尤猶憶打仗之時千冒萬險
爲各軍裝載勇丁糧械者局輪也洋輪斷不肯裝倘於
無事時竟將兵米送與洋船裝載不特與奏案不符且
於大局頗有關礙想聶軍門必不出此除咨達外乞轉

電聶軍門速飭委員仍照成案悉交局輪船裝運不得
爲洋商所愚是所至禱

又

七月初四日

頃見蔡委員與太古合同稿內訂每年軍米七八萬包
似不僅武毅一軍蔡竟代太古包攬北洋各軍生意關
係更鉅聞蔡持合同稿回津尙未畫押乞速請聶軍門
仍照舊章至應如何通融商局亦可斟酌

寄北京李傅相

七月初四日

冬電已密與佑尼干商酌允再電紐約大略議妥或紐
約派人來或卽派佑尼干未定但四釐五息八五五扣

較五釐息九五扣孰便宜須細算此章程是否匪豐已
允抑係我所索彼尙未允乞示併達大農

寄鄂督張香帥

八月十七日

總署咨比約法文鈞處漏印送回補印後寄京比使方
肯蓋印公司祇有汪喬年陳慶平通法語陳尤略諳鐵
路事比人復勘在卽須留其一如汪赴湘擬留陳伴比
人右帥派定何員候示卽敘稿龍元二批乞速寄

張香帥來電

八月十九日

比款續合同昨已補印二批龍元飭局照解陳慶
平旣須留伴比人復勘請另派一明白親信之員

會同汪牧喬年往勘卽不諳鐵路亦可頃接陳右
帥電云請尊會做銜委查並會咨湘省派員嚮導
較三銜尤無疑議至湘省擬委前辦電路之曾牧
慶溥較羅令尤爲熟悉等語查右帥旣不欲會銜
卽請尊處主稿挈做銜咨湘

寄津督王夔帥鄂督張香帥

八月十九日

三月間會奏援照津榆京津鐵路所需官民地段華洋
材料悉用官給官定免稅之法部議免征稅釐各節應
由該督等相度機宜斟酌妥辦奉 旨依議現在外洋
所定材料陸續進口應請將部議迅速鈔行滬津漢三

關撥案免征稅釐爲要

寄李傅相翁中堂

八月二十一日

奉寄電復與福祿受計議九四扣不准另行加用九百萬鎊已有呼利電報爲據宣令其再電呼利由外部電實使轉告總署如做得到自較可靠押款十萬鎊票福云或匯豐或麥加利宣當面詢該銀行索其實據並告福此押款俟二期交清方能付還十萬外再欲加罰福不能允卽派朱守同福哈擬二十四北上乞轉陳樞譯各堂爲要

張香帥來電

八月二十五日

敬電悉當飭鐵路政局議復據稱郭廠欠款趁鎊價稍平全數歸還甚好內有大汽錘三項計四千餘鎊其本利自應由槍礮局認還請一併代付並算明確數示知將來在應繳百萬兩內未批扣抵前鐵局存款十五萬俱經商局挪用其應付郭廠緩期利息及商局廠接辦後增長鎊價似應均由商局認還以昭平允等語祈查照爲荷

寄李傅相

八月二十八日

比款合同前咨鄂督補印頃鄂電云十八已補印寄署請一到卽送比使蓋印並囑比使電催比公司速派工

程師來華因比約必俟比使蓋印後方能辦事云云

直督王夔帥來電

九月初十日

佳電先到函稿後到所有一摺三片均詳細核過
原稿既應有盡有香帥又苦心斟酌鄙人無須更
贊一詞已照佳電親手錄入稿內此稿卽作爲北
洋存案不再寄還接此電後卽請繕發可也餘另
函復

北京李傅相來電

九月初九日

呼詹福狡詐多端將來交款難信非十萬鎊交署
作押無人信從若見鎊票張亦無從搖惑

寄北京李傅相 九月十七日

交款正月爲期已告知福福初見堅索兼辦蘇路誤信
一出京後羅電欲加一釐半往返電商始允改九四扣
誤信二又羅電據雷德銀行稱呼利實係殷商太吾士
報館人亦面稱呼詹可靠誤信三哈華托接英電允押
款十萬鎊寄京交寶使并言若不知其實哈亦不肯再
進京誤信四總之糊塗疏忽咎何能辭但求將此誤信
緣由代陳各堂是所盼切

又 九月十九日

傳聞有人與意使議合英德法爲一公司借三千萬鎊

以一千六百萬還償款一千四百萬造蘇甯粵漢鐵路
九十年期五釐半息鐵路之利中國與公司對分借款
息五釐尙有半釐中國由對分利內提出補給已繳允
准云此辦法甚爽快但前奉鈞電樞意不以路款並議
爲然此信如確比國借款息輕難免變卦乞密示斷不
漏洩

寄杭州廖穀似中丞壽豐

九月十九日

蘭溪至浦城電線亟須大修委員顧鴻押解電線材料
九百九十四件由滬赴浙照章由滬關免稅外現抵杭
關應請飭關查驗速卽放行電料向係奏明免稅想杭

關未知以致留難耳

北京李傅相來電

九月十九日

路款并辦雖有此說斷難允

鄂督張香帥來電

九月二十一日

鄂鑄大小元滙上已可通行據銀元局稟稱現擬向外洋訂購九九色大銀條由公司船運來每禮拜一批約三萬兩陸續接運不拘批數如不須再購當先期電止停運卽以所鑄大小元照上海市價歸還銀條價至收銀條付銀元中間擔擱約半月當按日給息不識尊處銀行能承辦否其銀

條價如何折算請飭銀行妥議速復如彼此均能
合算年中可辦至三百萬兩不無小補等語特奉
商祈示復

鄂督張香帥來電

九月二十二日

比總工師及勘路人何以尙須籌議豈借款尙游
移耶念甚東洋焦炭最爲穩著能商令速煉供用
否務望力籌之京師借款何以難成均祈示及

寄張香帥

九月二十三日

傅相電比使合同蓋印尙未送署大約全看 國家借
款章程如何此事有人把持不敢再干預焦爐尙未起

是遠著龍元通州辦花可用上海仍不通行成本太重
墨元價平時難抵制銀條已飭行議價再復

寄京朱子文

九月二十三日

子元譯昨夜英致福電云勞合銀行准明日交押款公
司閱來信後甚喜云如押款能著實交明何行望速電
示辦法尙可設法挽回

寄滬黃子元

九月二十四日

在蘇發

英福往來各電須查譯示禮和先定五千鎊逐日鎊價
望電示

寄京朱子文

九月二十四日

相處消息汝可密詢柏憲章現與法使匯豐怡和商議
是否五釐九四扣釐金不經稅司之手速復

寄北京比使

九月二十四日

十七電悉鐵路公司應執之合同貴大臣蓋印後請卽
送總署轉發前來比公司來電工程司及勘路人尙未
動身

北京比費使來電

九月二十六日

來電查悉七月二十九日總署送到貴大臣發來
合同八本九月初九日本大臣將合同蓋印是日
送還總署

北京朱子文來電

九月二十八日

福現願再加八萬鎊以五十年五釐半九五扣辦
此借款英使不肯代呈羅德銀行十萬鎊日前該
行又函致羅使之律師謂本行具保一俟條款定
妥卽代中國存英國國家銀行十萬鎊決不誤而
羅使之律師卽匯豐之律師又不允事之難辦於
此可見可否請師將以上情形立電翁李明日奎
再去見翁當面說之如何倘再不成遵卽出京請
飛復

又

九月二十八日

調卿昨到相處稟辭謂倫敦無覆報想事不能成
實則匯豐亦索五半不肯說出耳今午匯豐又與
調卿之姪見相謂各洋報復紛傳言中國仍准呼
利借款致匯豐礙難代辦力請相電倫敦登各報
謂中國不復與呼利商議等語相復以此意二十
一已達羅使矣據福云借英國款必須到此數人
處假墊匯豐在華聲名大在倫敦則呼利大呼利
任前匯豐無可設法致有所請惟福之十萬鎊至
今尚未辦妥使不能復議相爲福事又怒極押款
不到福難啟齒即使押款到恐五十年五釐半

國家不肯允法使之未議想作罷論總之現除俄借款因另有別謀息扣可以便宜外其餘非五半不能現擬候押款到索五釐半九四半倘再不能應否改九五乞鈞裁

又九月三十日

昨晚到相處未見奉諭福既將事辦壞似可回滬銷差福行止不管等語奎擬明日到翁處稟辭初一出京或到唐山與金達晤商一切可惜借款不成他人實不能比此更便宜也

寄鄂督張香帥

九月三十日

朱道電六個月期滿洋人買地並有由黃孝入豫之說
已呈議摺請速出示云目前仍以漢澌爲重以北路標
未定似難捉摸

北京柏憲章來電 十月初一日

三十諭知悉法使來言課釐不准干預恐靠不住
相云農譯作保必無拖欠法云各債戶不肯信請
另籌抵押答以我一人難專主法頻行謂中堂想
出好法請告知有人言法要廣東鐵路作保云

寄津鄂兩督帥 十月初四日

據漢局朱道稟稱有河南教士在鄂豫回買民地鄂境

六個月限滿雖已展限六月總以鐵路購至武勝關之
日爲止已辦會札示諭送請鄂督撫院會印逕發豫地
綿長酌定停止印稅期限仍慮勘丈不及限滿勾串應
如朱道議飭於契上註明籍貫住址並飭具結聲明路
工需用願照官價圈購入官並無影射洋商字樣將來
委員到縣檢齊卷結會同丈購違者指拿嚴辦已辦三
銜會稿單印飛咨豫撫轉飭遵照除咨呈外謹聞

北京總署來電

八月初五日

查初十比使已將合同蓋印送還卽咨送貴處

鄂督張香帥來電

十月初五日

現委惲道祖祁辦唐心口堤工據惲道稟稱請暫
調尊處委員張令贊宸以三個月爲期仍令回廠
請飭該令於初十日以前到工等情想尊處人才
濟濟且爲日無多當可邀允可否祈酌示

又 十月初五日

鄂境買地稅契展限六個月恐尊處寄稿遲緩已
飭朱道擬送示稿卽當會譚中丞銜先出示至札
文俟尊件寄到會卽卽發豫境由尊處主稿會直
鄂三銜飛咨甚善請照辦

滬黃道開甲來電 十月十二日

哈華托接英電謂呼詹借款章程係息五釐半金
票五十年不贖合同除稍更改外卽如八月十四
號草約一樣合同在英京議定後當在英總銀行
存押款十萬鎊如中國俯允應明文佈告照現在
市面若不速定或漲至年息六釐請轉告華政府
並福祿受云

寄滬黃道開甲 十月十二日

五十年不贖票是否五十年不還本是否末年全還合
同更改亦未指明何款礙難轉告政府

又 十月十三日

五十年不還本改何條款勞合銀行是否合股京城定
正約可否派麥加利簽字須詳示方可轉政府

滬黃道開甲來電

十月十三日

五十年不贖票係五十年內付利不還本第五十
年全本還清合同應更之款想係指票息而言今
日子文電謂聞譯署有遷就呼詹公司之意慶入
後有確信哈華托擬將議款章程之英函稟合肥
軸匠克士貝回國船資一千三百馬克及薪水至
月歇之日止哈華托說應可付給了案免生枝節
付否請示遵星期無匯價

卷九十一
寄滬黃道開甲

十月十四日

英議紳堪能約有密碼否卽查其何日到國速示擬電詢之

津督王夔帥來電

十月十四日

到漢電悉焦炭果能自煉如天之福張道在京日內可回津封河不遠九槽煤容催多運當別無可諉也

寄滬黃子元觀察

十月十五日

排呼聽其自回不給憑據堪能一舉深望成功渠云冬月會議約何日到華盛頓速查復

北京柏憲章來電

十月十六日

羅使電抵保一節嘉謨倫稱願照五月原議辦理
戶部總署作保自無拖欠之事稅司亦即無從過
問惟合同中可否准留萬一拖欠即作如何辦理
字樣以期股票易售並非藉此挾制云相復以嘉
謨倫願照五月原議是否四釐半八五五扣年內
外分兩期交清先十年付利不還本第十一年起
按年還本除利每六個月一付至五十年爲止兩
淮鹽課江蘇釐金抵押由戶部總署作保如定期
應還本息不付戶部印票准抵完鹽釐稅項並請

國家酌派匯豐信服之洋員幫同查核實在收
數餘俱照呼利合同大意辦理倘遵允卽令希爾
等在京定議畫押勿再遲誤云

寄滬黃子元觀察

十月十七日

密電當告排吁哈華托接福津電云總署囑福卽回京
又云麥加利接勞合電謂押款交到該銀行矣子文來
電稱師前給路費出京時已用完請電知津鐵路局或
電局准支若干云有西人來言關外鐵路造本約四百
餘萬兩部無款可籌造成亦無生意洋商不肯借安定
深爲焦灼

寄北京李傅相 十月十八日

霰電諒邀鈞鑒比領出示費使初八函云實因什一票稅須速商定票式四釐四小票一經售出則風聲傳播國債亦易辦故此舉於中國頗有關係總要請電請中堂格外幫助云

寄天津朱子文電 十月二十三日

比款及匯豐均未定弟與福速來漢面商

寄劉峴帥 十月二十二日

鑑帥紛紛調隊然難以力爭傅相密與俄商撤兵調處吳淞鐵路華洋交涉寶山縣沈佺辦理甚妥數月即可

告竣可否乞電撫藩暫緩調任以免生手爲難感甚

寄京總署 十月二十三日

華洋並發已飭膠局妥辦毋滋他衅頃膠局稟青島綫不通如有電章鎮可由膠專送宣十一到鄂料理漢孝開工

甯督劉峴帥來電 十月二十三日

電悉昨聶藩司電已復令將沈令仍留寶山矣

京柏憲章來電 十月二十三日

聞德已毀青島電線逐出防營東撫意欲與戰奉旨嚴飭不准又聞已獲犯四名又聞欲請派李

伯行充專使赴德商辦教案云

寄夔帥 十月二十四日

蔚廷指顧得缺汪太史洵品學兼優前辦北洋書局頗講時務書局撤後館況極窘今江南同鄉公電屬宣轉懇集賢書院山掌一席乞留位置必孚眾望

京李傅相來電 十月二十五日

各使均嫌我陸路電報遲誤因循可恨務嚴飭津京滬各局立刻接遞膠局尤要得人

京柏憲章來電 十月二十五日

聞俄使在署言接 國家復電允力排解不使德

人佔據中國口岸已電調海參衛長崎俄船來華云

津督王夔帥來電

十月二十五日

速寄行軍密十本等用鉅野前後獲犯九名起有眞贓論理不當再有要挾其如不講理何

鄂督張香帥來電

十月二十七日

函悉清江路萬不可修清江工興則盧漢廢矣況報効鉅款全是洋股可知無論何路皆不可准此尤大害也必須力阻望先密電常熟切阻之前年比人阻清江路電及總署復電卽飭檢錄送

京馮志先來電 十月二十八日

容事虞山言如於盧漢有礙速設法批准無及矣

寄江督劉峴帥

光緒二十四年正月初三日

香帥電奏阻借英款奉電 旨張之洞電奏頗有可採

現英議借款俄欲借灣正在未定已飭總理衙門從長計議等因夔帥電倭方指款待用未能向商英挾借款要求甚力尙未定議德尙不肯撤兵膠事了而未了云

寄北京翁中堂李中堂

正月初三日

香帥沃電二四十四電奏阻借英款奉電 旨頗有可

採乃二十七總署致湘撫電言英借款息輕開湘潭口

岸事在必行是署意欲借英款似有成見倭債可緩和約甚明何必以有抵押之債還無抵押之債緬路通漢長江抵押代我保守一日而割江南十二省千古怪事德案又翻不撤兵正爲英吞長江故亦欲吞山東也法日內卽當有舉動本日弟又有兩電奏諫阻望尊處密電常熟合肥相機救正切懇德堅欲造山東鐵路弟仍照去冬電奏擬以甯滬鐵路抵換爲患較輕等語聞倭債已抵用且倭與英聯知其借款要挾更未必肯緩德俄分佔膠大英卽不借款亦豈能向隅但英所索者俄法諒有欲阻之款或趁俄阻姑與倭商如能稍緩數期

俟風浪稍平要挾亦可稍減至德造山東鐵路條約內如何措詞乞電示因比國總辦將到未知與盧漢有無關礙香帥擬以甯滬路抵換想亦未必能改

香帥致總署電 正月初三日

沁電奉 旨英借款俄借灣正在未定已飭總理衙門從長計議等因欽此仰見 朝廷深知此兩事關全局利害未肯輕允或疑倭方指款待用未易商緩竊以爲不然和約明載六次交納不論何時均聽中國之便斷無強索速還之理且聞倭人來問今年此款還否以便修理兵房明是聽我之

便何必轉借英款受無窮挾制貽全局大患英若
由緬甸造路入滇川達漢口漢以上用鐵路漢以
下用兵船直貫長江則江以南十二省全爲英有
矣西報言此款以長江一帶抵押須認真保守免
爲別國所佔云云明是兵船入江占踞險要代我
保護蓋英款借則長江失腹心旣潰此卽所謂瓜
分之局無所謂東方太平之局矣必須先將借英
款一事決計謝絕再徐籌牽抵此次英索之策如
英必強我借則如洞前敬電所奏借款練海軍修
山陝路我尙有益且無抵押之害至俄踞大連最

爲禍本英必不甘法必效尤然俄防英之隱衷必有以待之可否與俄密商將大連灣暗借俄爲兵埠許各國爲商埠我卽借款修吉林至大連灣鐵路密與俄約大連灣准俄隨時暫屯兵船多少不限數以避永借名目但禁陸兵登岸插旗我自修極大煤棧數處屯煤以供俄用他國護商兵船限定每國不得過兩艘惟言明此路須用窄軌以便我由關內運煤接濟我允代造窄軌車數百輛於境上專備我商人入境換車之用其運費力從讓減照俄本國公司運載該國官兵官物章程收費

是此灣此路俄得屯兵運兵之利我得口岸鐵路收稅之利此路西通歐洲商稅極旺必較上海道關稅加多而華路短俄路長俄利亦大俄有屯兵之實英無藉口之資英若不滿則或以附近之海陽島借之該島亦可屯船取淡水或是解圍一法若許俄佔灣彼必自造鐵路通吉江之路路成後彼自在灣運貨收稅無論各國爭與不爭我遼東之形勢隔絕此一路之商稅大利全棄矣總之兩事皆係大害英借款尤關中華安危必謝絕英款然後有可補救迫切上陳務懇 聖明堅持定見

詳慎計議萬萬勿借英款大局幸甚請代奏

又 正月初三日

聞德尙不肯撤兵外部堅欲修山東鐵路開山東
鑛方肯息事曷勝焦憤是膠灣占而教案仍未了
狡橫極矣洋報載德總領事自言德將以山東鐵
路爲吸取全東地利深入豫省中原之根其說甚
詳計甚毒中外皆見此報明是見英吞長江彼嫌
膠州一隅尙小故得步進步覬我中原萬不可允
總以能阻止爲善如慮空言峻拒彼恐不甘洞去
年十一月三十電奏曾擬有一條云德使遣員來

商欲攬江甯蘇滬鐵路借款利息七釐二毫八本
息均攤在內六十年還清利息尙不喫虧等語如
萬不得已似可以此甯滬之路抵換路從滬起爲
患較輕但如此議此路須令盛京卿與之議章程
立合同則是歸入公司商家辦法庶稍有公道且
可防弊若總署與議則變爲教案條款必奪我路
權矣敬陳以備 朝廷採擇請代奏

江督劉峴帥來電

正月初五日

倭款照約分七年本年還款不過百數十萬若圖
輕息以地押借利小害大倣處昨亦略陳管見第

未悉內意若何耳

直督王夔帥來電

正月初五日

休文在滬除招商局外辦過紡織局否曾列彈章
否娶陸小寶係何年事又子房是否曾任山西典
史有無參案曾否改名均希密示緣有查辦事件
也

寄直督王夔帥

正月初七日

休文除辦招商局外兩江曾忠襄委辦賑捐北洋委辦
購料胡雲楣委辦上海轉運並未辦過紡織局未聞列
過彈章陸小寶似係十八年分事子房同治七年曾任

直隸甯津縣典史因越獄被議旋卽獲犯兼因城防出力保奏開復原官癸酉年捐升通判丁丑辦晉振前撫曾保同知遞保今職並無改名亦無參案

寄鄂督張香帥

正月初七日

頃神尾到滬出示鈞電詢有無實事商辦答以兩國既願敦睦一萬萬可否照約分期歸還神云我不能預聞如不因此事要他赴鄂候電卽行乞速示

寄京馮志先

正月初七日

魚電已譯呈西路受尅洋債難還尙是後事東路想必亦借洋債如章程較寬比必翻案務求稍緩定議俟比

人到後妥籌再行會電以免全局決裂

寄直督王夔帥鄂督張香帥 正月初八日

虞山魚電張奏可敬長江抵押無此說緬路通江則有
之借款交訂皆彼發端皆有要挾皆不能拒甯滬抵膠
倭款緩期均做不到膠路達濟南後山東邊境與中國
幹路接路旁三十里鑛產准開尊疏有 廷諭照准云

寄江督劉峴帥 正月初十日

容閱條陳辦鎮江至津路在山東與德路相接昨香帥
將電奏鈔呈鈞覽東西兩路並舉路利亦不敷還洋債
憲台能相助一言以維大局否盼示

寄京馮志先轉翁相國

正月十一日

前日晤日本總領事小田聳其借俄款要挾多威海恐亦爲所佔於日亦不利小田云照約本可分期如商本國必可允是目前只有緩借一法未可貪小利而受巨禍惟向日商緩不可言借英款須言如不允緩必借俄款則日必允矣

京柏憲章來電

正月十二日

奉諭卽密詢傅相簽押據云容閱前在軍務處具稟請包辦鎮江鐵路以後雖有章程及辦法摺件均係面呈相閱後卽攜回並未存稿頃聞人云容

事現爲香帥夔帥及憲處所阻開辦與否未定

甯督劉峴帥來電

正月十二日

頃署電借款已罷議容路事昨晚已切實電奏未知能挽回否

又正月十三日

借款以交逼而止至容路准駁尙不可知過承推
譽惶愧上寶官灘經香帥奏明變價充公移作紗
機墊款前擬將淤灘待價而沽實因機價墊款過
巨非此不能清理今既函電見商不能不通融辦
理惟灘地變價定有專章咨單所開各地既非實

三三
在建路之需不能不請照定章繳價非敢較及鉅
銖以費絀用宏實逼處此公當見諒現已札飭許
守督縣照章復丈核價辦理飭縣提前註冊應請
尊處密囑沈令照辦

鄂督張香帥來電

正月十六日

比公司已到晤否朱道已嚴飭聞德人將干預清
江至津之路果爾或可阻止祈速探詢南北洋兩
電俱可欽佩夔帥語意尤誠懇惟只以盧漢有妨
江楚不願爲詞恐當道不措意耳山西鐵路切望
速探詢示復至禱

寄津甯鄂三督帥

正月十七日

頃見俞貝德途中接銀行電各國兵船到華勢將分割
囑俞到華督看實情卽速電致到滬已詢各領事知中
國無事自可照合同辦事宜堅明開導謂工程緊要不
能宕延俞卽已電比二三日接有復電再議收款購料
各節

江督劉峴帥來電

正月十九日

頃聞德兵妄入人室拒捕被戕德憤甚增索沂州
鐵路不允卽增兵擾濟省未識尊處有聞否機促
勢迫憂憤實深操場外深水處建鐵路碼頭尙無

劫

正月二十日

速行知宣懷月底須赴鄂也

正月二十日

俞貝德已見望速催銀行照合同辦理勿再遲延並候
電復

北京比國費使來電

正月二十日

貴大臣來電所言確實本大臣亦深願速成此事
因此於正月十七日已給本國電報俞貝德不久
准接本國確實辦法也

北京馮志先來電

正月二十二日

容事聞總署定明日入告准其承辦東海之奏恐
亦來不及矣

寄王夔帥張香帥

正月二十二日

愚齋存彙

卷九十二

補遺六十九

五

思補樓藏版

容事聞總署定明日入奏准其承辦云今夜擬電總署
痛切言之未知來得及否

湘撫陳右帥來電

正月二十三日

尊議若允實補救之策但容用美款不知如何定
約若係洋路則粵湘恐不相宜津局張電所云密
件卽指尊議否

北京柏令斌來電

正月二十二日

聞總署現與德使議定山東鐵路合同共十三款
名曰山東德華鐵路公司由兩國商人集股一路
由膠灣造至濟南一路由膠造至沂州云

湘撫陳右帥來電

正月二十三日

敝處電及抽薪法均已行效電言不需謂旣已攔
置則爲不藉此第可徵公論耳張復公度電祇言
此事以同鄉故請合肥專主而已不預允否並未
明言今尊電有路歸中國語則明係外路矣

北京李傅相來電

正月二十四日

海靖堅請築膠至濰縣青州往濟南又膠至沂州
兩路又中國在東築路先與德商不允則下旗回
國勢難允行署奏准容閔造津鎮幹路爲不得已
抵制西國幹路恆數道並行非必有礙盧漢何至

因此停辦容謂與德商必受脅制美商亦爲難欲
卽中止執事請改換豈有術制德耶來電當軸均
不謂然仍照舊籌辦爲要

江督劉峴帥來電

正月二十五日

敬電論各國情勢最爲詳切惟公同保護一說茲
事體大變計不易盡與譯署商之署電語氣容路
似尙未定究竟若何有聞仍祈電示

杭州惲松雲方伯來電

正月二十五日

昨信到否以後凡辦鐵路均歸總公司浙不操權
矣傳言英俄將開戰德復悔議聶方伯至滬德不

接待確否均望密示

寄杭州惲方伯

正月二十六日

函到敬悉路事已准咨大約請辦者多屬空言殷實人均不出頭既蒙穀帥推誠俟大局稍定密籌辦法再親自到浙面請指揮英俄各有慾心斷不開戰德原議膠造鐵路至濟南止因容閱請造清江路乃欲展至沂州併欲代造鎮至津路局勢大變矣

北京李傅相來電

二月初三日

比使所定並無觀望晉擬造路運晉鐵卽枝路一大生意切勿畏沮容無請辦粵路意

鄂督張香帥來電

二月初四日

宥電悉已電請右帥電調詹卿二員矣請尊處卽辦咨牘派員赴粵會商神尾今日赴滬見執事後仍回鄂

寄倫敦羅公使

二月初七日

呼詹議借二百萬鎊造蘇路可靠否

鄂督張香帥來電

二月初八日

魚電悉詹卿不來尊意擬請陳中丞卽與熊黃商籌沿途用紳士保護洋工師勘路只可如此辦法復電當可行前日接右帥魚電勘路委員湘派曾

牧廳溥鄂派陳道兆葵暨汪牧喬年同往陳道係

柳大紳乃右帥商派者

寄華頓伍秩庸星使

二月十一日

借票可書大清國字樣九二扣餘利五分之一粵漢定
後盧漢或一氣辦願否速復

寄武昌張督帥長沙陳撫帥

二月十一日

汪喬年等祇算是聯絡地方先走一遭應請照辦初勘
以探實走何道路爲最要洋人引他走那路卽從那路
勘度以夷險爲取舍不過在左近處耳粵路卽派員先
與粵帥一商再令洋師往勘粵路短約兩個月可入湘

界

寄北京總署 二月十二日

李治卽係去年派勘盧漢路之美工師現已延爲總公
司參議粵漢路借款已密致伍使與美商議辦故擬派
員帶同李治由粵勘路尙須俟粵湘督撫商定再行向
來勘路本省亦派員協同照料美使所請護照係格外
謹慎乞准照給

寄津鄂督帥 二月十二日

帥意不准英造粵路無論何國不能令作主人自當力
持德華欲改督辦爲華董與洋商一律議事又要股分

一半是作主人矣並未議允美索五釐九扣又包造半釐餘利四分之一權如稅務司比亦欲攬權條款已寄上

北京柏憲章來電

二月十四日

頃俄使來稱奉外部電要將旅大兩口劃分地段租給並由該處造枝路通至伯都訥幹路限五日回復如不允卽毀前年密約云

江督劉峴帥來電

二月十五日

膠事起後變端百出環視旣眾解紛愈難續有所聞尙乞隨時密示

寄鄂督張香帥 二月十六日

容闕改道未聞已見其章程皆屬洋股

寄華盛頓伍星使 二月十七日

盧漢粵漢兩路同辦一切均可遷就因比求加利如美
速允禮拜一止可廢比約候示卽由署電公須先畫草
約

寄安慶鄧小赤中丞華熙 二月十八日

旅大事 旨派許使爲頭等欽差赴俄商辦鄭道函稱
東流尙有兩處挖見煤樣而地方撓阻初八咨請行縣
曉諭乞賜速行爲感

寄京李傅相 二月十七日

東路一由膠至濟南一由濟南至沂州已歸德辦有無
開工日期容閱所議津鎮路德約內如何措詞乞示

寄杭州廖穀似中丞壽豐 二月十八日

旅大事 旨派許使爲頭等欽差赴俄商辦比國鐵路
借款合同係吳挹青校訂現有改動乞屬挹青迅速來
滬一行

寄津甯鄂三督帥 二月二十日

聞法國亦有要求並涉鐵路國事日棘將至無可下手
矣帥有良策否

華盛頓伍星使來電

二月二十二日

美日齟齬恐失和礙借款望速定

寄華盛頓伍秩庸星使

二月二十二日

粵漢草約速議比如可退盧再照辦

長沙陳中丞寶箴來電

二月二十七日

鐵路借款未敢妄議至湘中開導自當隨督帥籌商辦理前議華員先行勘路尙不審督帥意指何如想當俟廣東商定後再見復耳

北京李傅相來電

二月二十七日

晉路款實係六釐無扣餘利中外均分

寄華頓伍欽使

二月二十九日

粵漢盧漢兩路華本現止二千萬兩如全借美八兆不嫌多否四年全完否速議粵約分合再定

寄直督王夔帥鄂督張香帥

二月二十九日

晉撫奏晉路借俄銀行款息六釐餘利平分因晉紳稍有未洽總署尙未復奏利大美比必又藉口尙是小事造西路具有深謀亦歸俄手他日無路可走矣昨電虞山勸阻似借他款爲是

江督劉峴帥來電

三月初四日

徐海災重賑急迭承籌濟心感實深去冬各災區

就食難民今春撤賑資遣時爲雨雪阻滯實出意外此起難民先已經善後局派員在下關揚州清江各處次第資遣嗣又飭撥銀五千兩交揚州紳士就地妥爲辦理現已大半回籍護照此時已難發給好在翁徐廖三尙書電請各省助賑現經直隸河南陝西各報解一萬兩以後源源而來均交嚴紳分途拯濟可期實惠均沾仰慰厯念

寄津督王夔帥

三月初五日

漠鑛聞有查辦事確否此鑛久必歸俄自以速辦爲是接手人固難查辦人亦不易

津督王夔帥來電 三月初六日

孟翔赴漠河查案取道滬上初十後成行兩路借款曾否定議大局情形如此湘省民情如彼此路十九難成切宜審慎

寄津督王夔帥 三月初八日

盧漢爲東路分佔若無粵漢難還洋債不得不兼營比款加息復仍游移惟有遵照來電先定粵漢美款爲是如比款中變即可移美款先造漢保此最要關鍵遲則英法必索粵路全局俱敗湘省如中阻仍走江西與美訂渾言粵漢昨擬電奏務求斟酌妥善速發翁李已另

專電矣

寄津甯鄂督帥蘇杭湘撫帥

三月初八日

頃日本領事密告英國有大兵船四號到旅香港有船
續來至吳淞會齊赴旅如旅不能挽回卽赴舟山佔踞
或佔吳淞礮台云

寄華盛頓伍欽使

三月初九日

江浙借英款包辦用煤鑛請立密約兩條免英比效尤

寄江督劉峴帥

三月初十日

招商估變仍必爲洋人所得又豈旦夕所能定英國此
次蓄勢甚大若一入條款不特地去卽鐵路亦非我有

矣能不痛心宣所以請爲公司全留者但求爲國家
留此要隘耳照公法鐵路公司之地他國不能奪總署
督撫署皆有案局中人尺寸不能私爲已有宣亦決不
久管此路至於地價吳淞礮台相近之地與上海租界
左右灘地大不相同因海塘之內高地所定官價比較
過多恐爲民間藉口如欲增加可請蔡道許守定斷公
司皆屬官本並無商股在內事關大局無不遵照

華盛頓伍星使來電

三月初十日

第五條路成後美公司人管現作爲鐵路局與洋
關同惟其人須由督辦大臣允准至工師人等歸

鐵路局管轄如要回一釐半伊索六釐半餘可容商

江督劉峴帥來電 三月十一日

強弱異勢條約倭不能守何況公法公司收買灘地敝處售地歸還機價同屬以公濟公沿浦地當衝要斷不能與塘內之地相較機價以庫款墊非照奏案以地價歸款庫項卽歸無著公司旣欲佔此地利卽不應屑屑計較及此若謂公不欲久管此路僕亦豈願久居此任但公家之事留一日當盡心一日彼此商酌公事未嘗以私意相窺測也

公有何良策留此要隘幸示爲荷地價現已飭蔡道許守商辦

鄂撫譚中丞繼洵來電

三月十九日

北洋要隘全失大局危甚憂憤之至巢令當卽設法位置

寄劉峴帥

三月二十一日

吳淞開埠公諸各國所見甚大灘地承蒙先儘中國公司尤深欽佩惟旣開埠洋商必爭旣有別籌自不必由鐵路包括現在鐵路輪船兩公司擬領一半塘外漲灘連隨塘官地共約八九十畝每畝遵示繳價以公濟公

其餘一半請另變價

北京譚子雲太史啟瑞來電 三月二十一日

津鎮路不能止盧漢改借美款事屬可行惟路歸
美管廷議尙待斟酌業有 旨詢商尊處恭邸病
喘未見致榮相語已代達

寄譚子雲太史 三月二十一日

美款已電伍使斟酌津鎮路改由豫如何走法乞函示
京馮志先來電 三月二十四日

聞芸楣議造關外至錦州鐵路除借洋款外餘照
海防開捐准獎實官有捐五萬者並給二釐息十

年云

寄北京翁韋齋太史轉呈中堂 三月二十五日

伍電代管字樣酌妥即日定約據派往粵籌議勘路委員電稱粵督意不謂然初十奏俟批摺回再議法使到滬甚覬粵路督撫隔膜不甚了然恐有貽誤乞主持

寄吉林延將軍盛京依將軍 三月二十四日

延帥致電謹悉據津局稟總署二月初二寄各督撫將軍官報一百八十五字當即分轉各省漏轉津城官局一處以致瀋吉遺漏官報緊要貽誤非輕已咨明總署北洋將天津局員王牧繼善摘去頂戴學生王雲壽降

一等罰薪一年以後如再貽誤定行嚴參乞鈞察

寄華盛頓伍秩庸星使

三月二十五日

煤礦恐效尤未奏俟來華續訂暫不入約盧漢併辦權
可歸一但宜速

寄京總署

三月二十五日

有電謹悉當卽嚴飭滬至京各電局各線路認真整頓
勿任延滯但陸線經過地方難保必無鋸桿割線等事
與海線不同乞轉致英使

寄京翁韋齋太史轉呈中堂

三月二十六日

譚摺請俟盧漢成後再辦粵漢自議鎮津而盧漢洋債

難還卽難借急成粵漢一杜外人覬覦二促成漢路洋
債三備湘軍徵調豈可須臾緩

鄂督張香帥來電 三月二十九日 並致王夔帥

伍電已畫押甚慰美約必須速定會電甚妥請速
轉署

長沙陳右銘中丞來電 三月三十日

文帥復奏不審 朝旨若何既有借款目前不急
招股似與昭信股票並無窒礙台端若借有美款
自可立伸其說耳

寄京翁韋齋轉呈中堂 閏三月初二日

譚奏以蘇民力一語可駭入股乃聽人自便非強民力之不可行何所謂蘇此時美債已成招股亦必在開工後與昭信毫無窒礙惟洋債必先勘路方能付款乞主持

華盛頓伍欽差來電

閏三月初二日

盧漢除橋外三年可成無須另訂草約美可靠請電允換約十萬可交

寄皖撫鄧小赤中丞華熙

閏三月初二日

皖北過客云災巨且廣靈壁尤甚春雪二麥菜子傷重蒙賑萬金不敷尙鉅此間協助徐海筋力已疲未遑兼

二十三四方能到滬抵滬後再與閣下暢談兩次
即行北上餘不應酬

江甯鎮江探投張香帥

閏三月二十三日亥刻

聯英宗旨似不可改管見已盡諫電因總署催急
已畫草約謹鈔呈寄峴帥電餘俟到滬面商

寄京李中堂

閏三月二十四日

怡和草約二十三已畫另函聲明如有指駁之款仍應
商酌更改如不允改即罷議總署復電約三日可到云
頃香帥來電以英覬長江英辦不及他國但總署已允
英使豈肯罷休乞主持謹候署示

又 閏三月二十五日

英美所分餘利五分之一係除攤還借本付利及總公司股息六釐之外分派頃俞貝德告繙譯云盧漢難得餘利不必電比轉生枝節只要比允分段開辦工程司便可趕造云

又 閏三月二十八日

頃比領事函催限西曆二十五年爲止看來比款第一批一百四十萬鎊止肯先造南端保定至黃河先擠我一千三百萬自造爲抵押牢不可破然亦不背合同若因此真廢約誠如鈞諭旣難免纏擾美有戰事亦必擔

攔細想部款六百萬照原奏遲早准撥如能趁此國債
尙有餘剩撥定以造保定至正定一帶之路卽日開工
趕辦俟比款二三批到接續南北分辦尙可不誤限期
否則北端停待徒曠歲月實屬非計乞密商瓶相如蒙
俯允卽可與比訂續約再會兩督入奏

又四月初二日

分段承辦俞貝亦已電比一有回信遵卽開議但成否
必須限期議定不可再任拖宕乞告費使轉飭俞貝遵
照

寄鄂督張香帥 四月十四日

頃晤小田據云來電已轉公使十五郵船並稟外部但不知五條何事須電知方能酌量彼料或有勸吾華變法意宣云此可勸不可挾制小田云現處局外錢守來滬無益帥可徑電矢野伸意伊如得外部電復或可來漢面商但不可決定

又 四月十八日

朱守堅辭則購地委員急須另擇以宣所知只有林佐勝任求即會札余守自宜添派但洋人插標民間定價沿途委員必須得人林佐之外有無能勝任者乞與司道商定宣若有知決無推諉

津督王夔帥來電

四月二十日

此款似此周折必有成復稅捐係國家事公司
借款股票如何能抵惟舍本路而另籌保還之法
亦實窮於著想續議如何仍候電告

寄京李傅相

四月二十九日

蘇甯鐵路遵奉鈞署閏三月馬電命與怡和先畫草約
聲明俟會商督撫如有與地方窒礙處卽令更正仍俟
定正約卽會奏乃辦妥後峴帥來電竟謂盡失東南精
華將來莫保半壁疆土語甚隔膜又吳淞造路須用官
灘地百餘畝並用光緒二年買回怡和舊路若干畝委

員許寶書索價數十萬兩公司無款迄未交割因此二
事聞峴帥不懌謠傳已奏英商議辦滬甯路係遵鈞署
電諭而行任事之難如此仍乞鈞署主持一切日內正
與比定續約如有變端求速示當罷議以待來者

京總署來電

四月二十九日

英以盧漢假俄華銀行款且准股票抵稅來相詰
難本署告以盧漢原假比款屢爽約因擬廢比合
同法俄兩使曾代申說並無假俄華款事更無股
票抵稅章程盧漢但認比國合同何日成交刻無
准信英使謂奉外部電來言諄請電達統希察照

寄京總署

四月三十日

比款自奉閏三月號電後比人屢求續議送來條款有云到期息單借票須抵繳稅捐當卽嚴詞拒絕彼總慮盧漢利薄不足還債告以粵滬兩路均與相接總公司必可挹注始允刪除惟條款內指明巴黎上海皆委託道勝銀行承辦而中國祇認比國合同已開議十四日期滿尙有公斷一條我止允兩造爭執由總署比使會斷彼欲添申比兩大臣未能斷妥則另請一分賣借票之國之公使裁決尙未允行

愚齋存稿卷九十二

愚齋存稿卷第九十三

電報補遺目錄

寄京總署

寄京比費使電

寄武昌督撫帥

京比費使來電

寄鄂督張香帥

湘撫陳中丞寶箴來電

寄甯督劉峴帥蘇撫奎樂帥

鄂督張香帥來電

愚齋存稿

卷九十三目錄

鄂督張香帥來電

寄京李傅相

寄京李傅相

寄張香帥

寄湘撫陳右帥

北京李傅相來電

京總署來電

寄京比國費使電

寄張香帥

寄華盛頓伍欽差廷芳

寄張香帥

寄濟南張漢帥電

寄津督榮中堂

寄京戶部王尙書文韶

京總署來電

京局馮志先來電

寄京總署

北京馮志先來電

又

又

寄京榮中堂

寄粵督譚文帥

寄京總署

寄津督榮華帥

京總署來電

寄京總署

鄂督張香帥來電

寄鄂督張香帥

寄濟南張中丞汝梅

香帥來電

寄京局馮志先

京總署來電

寄鄂督張香帥

濟南張中丞汝梅來電

京榮中堂來電

寄甯督劉峴帥

寄鄂督張香帥

鄂督張香帥來電

寄鄂督張香帥

又

鄂督張香帥來電

寄開封劉中丞樹堂

齊齊哈爾恩將軍澤來電

又

甯督劉峴帥來電

寄華盛頓伍秩庸星使

京總署來電

開封劉景韓中丞樹堂來電

寄江甯督劉峴帥

寄齊齊哈爾恩雨帥

寄劉峴帥

濟南張中丞汝梅來電

甯督劉峴帥來電

寄劉峴帥

寄長沙俞廩軒中丞廉三

寄長沙俞廩軒中丞但湘良方伯

寄廣東譚文卿宮保鹿滋軒中丞

寄京總署

寄長沙俞中丞廉三

寄北京總署

寄津榮中堂鄂張香帥

安慶鄧中丞華熙來電

北京督辦鐵路許侍郎景澄來電

寄北京許大臣景澄

又

寄北京總署

北京總署來電

寄北京總署

北京總署來電

寄京總署

寄北京許大臣景澄

北京總署來電

黑龍江恩雨三將軍澤來電

寄齊齊哈爾恩將軍澤

寄鄂督張香帥

寄北京總署

寄濟南張中丞汝梅

濟南張中丞來電

寄鄂督張香帥

廣州鹿中丞傅霖來電

鄂督張香帥來電

寄鄂督張香帥

又

又

寄戶部大堂王尙書文韶

北京王夔石尙書來電

寄華盛頓伍大臣

北京馮志先來電

寄華盛頓伍大臣電

日斯巴尼亞都城伍大臣來電

北京總署來電

寄北京總署

寄北京總署許大臣

甯督劉峴帥來電

寄鄂督張香帥

德州袁慰帥來電

寄武昌張督帥長沙俞中丞

北京總署來電

北京李傅相來電

寄甯督劉峴帥

愚齋存稿卷第九十三

電報補遺七十

寄京總署

五月初一日

津鄂督署略同

比款續約初一議定本應與直鄂兩督會電因開議限期已滿適值北洋交替恐致延誤謹發通電請示可否先畫押再具摺會奏如必須先電奏候電示再請兩督挈銜會電如條款中有必須更改者并求就近與費使商改恐比公司不肯再改

寄京比費使電

五月初一日

前承費大臣電以本大臣須改合同內兩處容易妥辦

深佩貴大臣公允故卽與俞貝德開議兩禮拜已期滿
本大臣允加比公司利益甚多而公斷一條須照律法
只能言明請中比兩國大臣公斷如請第三人不應預
先暗指何人總之中國公司止認比國公司勿因此固
執中阻其餘各款已電總署及直鄂兩總督俟接復電
再行定議

寄武昌督撫帥

五月初三日

頃嚴道信厚述甯波紳士公請轉懇准漢口辦米一二
萬石南洋已允放南琛開濟持護照驗運斷無私販之
弊甯波若無米到藉安民心難免滋事乞酌准

京比費使來電

五月初三日

查數月所商之件漸及定議甚屬忻悅並佩貴大臣公允本國公司業已和衷議改數處現除有一處外其餘彼此允協此處係公斷一條而比國公司一節所有貴大臣駁斥之處本大臣業已於日昨電知本國茲望本國作速電復欣盼此條與別條一例相合俟此條辦妥卽能畫押完結也

寄鄂督張香帥

五月初八日

頃奉 嚴旨催辦蘆漢鐵路內云勘路購地各事應已辦有端緒據朱守稟漢口買地漢陽縣不理致難順手

錫樂巴面稟各處民地雖經督撫出示而洋人及華人假冒洋人仍紛紛買地以致襄河起至鐵路頭迄未買妥等語除札催外求飭漢陽府縣認真幫助先將民地趕緊買完並屬關道設法將洋人出名之地除日本所要租界外其餘須用之地亦須設法購買俞貝德卽日來漢丈量圈購潏孝之地聞林守尙託病如林不願可否請派傅守總求迅速派定以免稽延

湘撫陳中丞寶箴來電

五月十七日

前准會咨卽委曾牧慶溥至鄂候同勘路已兩月餘屢報起程均因羅國瑞延緩湘中多謠有謂借

款無著將改爲外人造辦者於事頗有關繫緣各屬曉諭已久又將沿途頗難肆應牧令量爲移換而羅委久延故滋疑議今已盛暑自難就道惟究竟借款如何能否開辦尙乞明示以憑轉諭爲禱

寄甯督劉峴帥蘇撫奎樂帥

五月二十日

淞滬路所用小工卽已遵電飭局各給腰牌造冊送縣並添派委員彈壓矣各處缺米常州試辦平糶開局之日卽搶去三千餘石民心不靖教堂尤屬可慮此全在守令得人憲意想已籌及此

鄂督張香帥來電

五月二十二日

連日與虞甫商酌實在爲難能員本少又皆不願
辦此事瞿思得一人係丁憂沔陽州丁國楨乃湖
北最出色之員循吏而兼能吏經瞿婉商據云盛
京堂向未識面未知能否合式惟素蒙鄙人優待
必欲派要差不敢辭如半年後准令回籍葬親當
供奔走等語尊意如何卽祈復購地事極難昨漢
陽府縣又力言之鄙人斷不薦人此乃虞甫所舉
務望台端詳詢虞甫如不思變計地終難買仍是
總公司喫虧也

鄂督張香帥來電

五月二十三日

借美款修枝路並辦涓鑛所慮甚當惟鐵路公司
欲分鑛利恐湘人必不願且看陳中丞復電耳

寄京李傅相

六月初五日

頃比領事接費使電以總署照會有俟盛等奏入再將
奉 旨日期知照語如轉電比國必以爲尙未奉 旨
不肯付款可否請刪去但言比公司經理人俞貝德與
總公司盛所訂借款合同已於七月初七日奉准畫押
並將前定借票式樣照會即可了事如費使持此面商
可否卽求照准以免延擱會奏稿先寄鄂再寄津畫齊
寄回繕發尙需十餘日而付款到期未可再任逾限九

切一簣伏乞曲全

寄京李傅相

六月初六日

蒙允擔保奏到必奉准請卽函告費使當可放心頃道
勝銀行已來知會本月二十七號起比公司已匯到
三十五萬鎊列收總公司帳由總公司會同比公司提
用云此事全仗師門力助方能就緒惟有儘力催辦以
副期望復奏摺日內可到

寄張香帥

六月初八日

奉陽電卽商俞貝德以德界添設分站一恐他國效尤
二旱站在漢鎮後水站約在劉家廟相近江邊由旱站

到水站其中腰僅咫尺萬不能容有分站三再四籌商
惟於德界後分一小支路每日以空車數輛可候德人
上貨另由汽車拖向大路以接他車此或可通融且行
車之日旱站至水站沿路必築小馬路以便各租界並
華人運貨更無用分站等語俞論非爲省費實係鐵路
定章如此德人亦必知曉

寄湘撫陳右帥 六月十一日

前派薛守鴻年展設潭萍電線今改道長沙至萍可省
湘江水線並爲將來設軌用電地步已電飭薛守照辦
乞再面諭授以機宜

北京李傅相來電

六月二十四日

英使力阻批准連日樞廷惶惑經余懇勸今日未知何如

京總署來電

六月二十四日

比款續約摺本日奉 硃批依議欽此卽希貴大臣遵照其股票無論華洋商人均須准購買此層務一併知照比公司查照庶足以杜英人之口

寄京比國費使電

六月二十四日

現因英使赴總署言新報載股票由俄華銀行收買似有俄國在內是以總公司奏到尙未批准貴大臣應速

赴總署聲明一面將實係比公司承辦緣由與俄國無涉速復本大臣以便電告總署

寄張香帥

六月二十四日

榮相據電會摺奉 旨留中欽此傳相馬電比使催批准甚急而英使赴署力言新報印合同有道勝銀行字樣竭力阻撓即樞搖惑慶邸欲函詢榮相查復合同十六款指明會比京巴黎兩處銀錢公會允准借款並不提及俄京亦不提及道勝總行且道勝於中比借款一事結語已指定別無干預聞英使因俄不准英關外借款故作此難項已電比使赴署聲明與俄無涉各電

昨已寄覽

寄華盛頓伍欽差廷芳

七月初六日

盧漢比款已到難改美若有餘力他路尙可兼辦工師
來宜速免人覬覦

寄張香帥

七月十七日

領款事仁和極關切南海頗作梗英德洋債剩存六百
餘萬欲留撥洋利此外只有昭信款已行查各省恐亦
無多過津熟商仲相十四發一公電文曰六月十八日
會奏云云乞代奏祿之洞宣懷謹肅云因十四匆促在
津署擬發未及先行電商祈涵諒

寄濟南張漢帥電

七月十七日

奉電後卽催嚴紳作霖赴東乃昨接峴帥電以徐海水災商派嚴紳往賑嚴已允去則人款均爲徐海所佔義賑本已弩末務望台端注重官賑救一人是一人平度州潘牧民表煙台電局委員謝牧庭芝皆有仁心放賑熟手如調辦賑務義捐或可稍有分助

寄津督榮中堂

七月二十五日

昭信衆商因屢奉 恩旨迄未稟復亦未報部現在電局奉飭籌造恰克圖線需款六七十萬正在難籌商局亦須籌款添造輪船方能與洋船頡頏此後欲擴充商

思齋不彙 卷九十三 十一
務似宜保全已成之局庶免華商裹足蒙中堂允賜護持大局之幸

寄京戶部王尙書文韶 七月二十五日

容閱事英使未必認真已發兩公電並電南海部款如何乞密示

京總署來電 七月二十六日

徑電悉粵漢甯滬借款草約已定甚好容閱抄來合同祇有 國家不保利一語爲最善餘但平平英商旣不確且俟容到京再酌

京局馮志先來電 七月二十七日

夔帥復云徑電悉部請撥昭信股票一層官話不能不說也津鎮事看容閱到後如何

寄京總署

八月初五日

並致鑛路總局

滬甯草約四釐半八二折五十年仍與盧漢五釐九扣相同好在十二年半之後我如有力亦准歸本凡盧漢利益英商未必肯讓如欲加多必與磋磨仍當隨時電達

北京馮志先來電

八月初六日

聞有密旨因端方吳懋鼎自稱大臣革職留任又今日傳說樵野宅有官人把守謂將有旨查

抄觀者極多午後無旨人始漸散又于晦若云
有密旨查電商兩局歷年帳目云

又

八月初九日

頃晤夔帥云並無查商電兩局之旨允一二日
內細查各衙門奏摺有無此事再行電聞

又

八月初九日

聞今日旨徐致靖張蔭桓張元濟梁啟超王照
及新政章京譚劉林楊共十六人均拏問

寄京榮中堂

八月十一日

滬關稅司來告康有爲已自英兵船上英公司船近日

洋報紛議殊駭聽聞英尤慮俄惟所欲爲頗思先發
深宮舉動似未可操之過急以防彼族藉口干預內政
拏問諸人連類查辦似宜從寬一面以 懿旨明諭中
外一切新政持平辦理力求自強以消乘間伺隙之心
以慰溥海臣民之望大局安危間不容髮扶危定傾非
中堂莫屬宣蒙中堂不以尋常相待既有見聞不敢緘
默乞垂察

寄粵督譚文帥

八月十四日

部撥四十八萬蒙允集有成數卽行報解至爲感泐惟
北路保定至正定路工待款甚急可否求先解十萬以

應要需尤深盼禱電局一等報係儘先發故速閣鈔列
二等係由各省轉故遲現籌款加造兩線工竣當可迅
速

寄京總署

八月二十六日

並致路鑛總局

津局電稟保定至正定開辦路工應出告示裕制軍以
未奉明文不敢給示查盧漢鐵路購地一切處處與地
方相需可否由鈞署請 旨飭現任直督照常辦理以
重路工乞代奏

寄津督榮華帥

八月二十九日

叩賀履新鴻喜鐵路幸託帡幪惟求訓迪保定至正定

已派比公司李嘉樂等赴津仍交孫道鍾祥帶領前往
開辦所需告示應易台銜會印飭發俾昭鄭重

京總署來電

九月初一日

美使照稱四月十四中國已與新美公司立定由
廣州通海之鐵路今聞有允他人由廣州造路之
事決不能允而英使已有成議斷難更改究竟此
路曾否與美說開希速電覆

寄京總署

八月初二日

查美國伍使三月二十四日卽西四月十四號所立合
同第三款有云如嗣後欲由粵城續建至海濱或別處

亦可隨時與督辦大臣妥商所有鐵路經行之地以及
建造及駛車應需別項利權總公司督辦大臣允爲料
理新美公司有添建短支路之權接連要處以招運載
惟所擬推廣各路圖表須經督辦大臣核准等語八月
初五已電伍使九龍爲英租地英不肯讓勸美勿爭並
無復電現在美使既有照會只可俟美公司人半月到
滬再與說開

鄂督張香帥來電

九月初三日

八月豔電諒達覽德界與鐵路總站通連行車一
事德領事所擬備車行車辦法似無窒礙由總站

至德界一段轉運之費能否概免前電已詳詢未
接復示茲德領事暨柯達士來署催詢甚急據云
總站須常養汽車一二輛煤炭人工並不多費等
語此事以早議結爲妥若不稍遷就恐枝節終不
能淨惟人夫搬運爲日久遠有無多費斟酌核辦
法或略予減省或別有通融之法卽日電復以便
轉復德領事盼切

寄鄂督張香帥

九月初四日

德領所索轉運各條使我喫虧匪細且恐各碼頭各國
多所效尤勢難過於遷就容與總工程司妥籌詳復如

能俟宣等到漢面議更妥

寄濟南張中丞汝梅 九月十一日

奉馬電股票十萬戶電由東另解此項如尙未起解請
截留七萬兩代付賑款頃承函示被水州縣南紳集議
止能專放兩縣冬賑現已札委義紳劉芬高長頤卽赴
高苑博興查放如有餘力添辦樂安並令察看小清河
合龍後能否趕緊修隄但求隄埵完固藉清刷濁不致
全淤此河通塞亦關東省利源否則將來貨利必盡爲
膠路所奪盡籌諒早及之

香帥來電 九月十二日

沙案由商局肇衅實爲所累甚鉅前經官紳公議
均謂宜全令商局賠出鄙人飭商賠半斟酌調停
似尙平允至謂商局被累約三萬金未據商稟做
處無由得知奏案何從聲敘且聲敘亦無益處來
示將稅司賠款七千五百兩以余魏兩軍水腳劃
抵已飭善後局照數劃撥矣閣下曉諭衆商顧全
大局佩甚

寄京局馮志先

九月十二日

津鎮事已復署並託竹簣轉達竹十六必到倘勢難阻
止英德合造還是推交總公司與洋商訂立合同庶可

息存不事 卷九十三
資挹注而杜紛爭陳牧謨卽請來滬遵當差委希轉稟
釋塵念

京總署來電 九月十二日

真電悉頃比使來已與述及彼亦以法商出名
國家借法款爲不合辦法仍請署電代辦比公司
係總公司借比款應照合同在巴黎簽字等語除
電慶使外特奉聞

寄鄂督張香帥 九月十四日

真電敬悉沙局被累當時曾函致俞札兩觀督來諭聲
敘亦無益自可不論所有賠款請以余魏兩軍水腳劃

抵蒙飭善後局照數劃撥辦法最爲直截傳知商局感
頌同深

濟南張中丞汝梅來電

九月十四日

盧漢鐵路另款十萬尙未起解遵囑截留七萬代
付賑款餘候續勸再撥免得互解之煩東省被水
三十州縣以齊東東平章邱爲最重高博亦相等
俟高劉兩紳到東再會商酌辦至小清河利源恐
爲膠路所奪深佩卓識當日該河成自公手梅侯
合龍後當設法修隄以副蓋籌惟需費不資公將
何以教我

京榮中堂來電

九月十五日

甘軍打壞電桿做處昨已派員馳往查辦並飭嚴束勇丁勿再滋事

寄甯督劉峴帥

九月十五日

黃河一帶災重死者無算內帑二十萬不足濟事現與滬紳商量墊款派妥人往賑而滬市甚緊力湊止得七萬伏求慈悲籌墊三萬俾可共活十萬眾且可激勸各省或有接濟如蒙俯允請速飭撥隨後卽由滬紳嚴道施守楊守等捐局歸繳宣願作保乞鈞復

寄鄂督張香帥

九月十五日

前日盧溝橋甘軍擲石打傷洋工司兩名全工俱停英使理論甚費口舌今比工司已分兩班到漢分辨潯口至信陽兩段測路購地已派丁牧國楨總司其事沿途各員匠均歸節制除飭俞貝德嚴諭各工司不准滋事外一路華洋交涉不易調停丁牧幹練足當其任乞鈞處再行專札責成以示鄭重爲禱

鄂督張香帥來電

九月十六日

增將軍來電貴處鐵廠鍊鋼是否可作甲船鋼甲之用每日出若干噸乞電示等語敝處復電云漢陽鐵廠前年已奏交商辦所鍊之鋼自當能作甲

船之用每日約出七八十噸惟尊處若議定用鄂
廠之鋼尙須添設爐座此不過論其大略至詳細
情形容俟詢明盛京堂再復等語漢廠現在每日
出鋼若干噸能否作甲船之用若閩省議定用漢
廠之鋼尙須添設爐座否均祈詳細示復以便轉
復閩省爲荷

寄鄂督張香帥

九月二十三日

小田切云看操因本國須備供應故不能人多現知總
署電止鄂員伊甚抱歉可否請改作遊歷俟操畢可與
南北洋各將領同觀營制囑爲轉達乞電復

又九月二十五日

敬電面交小田切頃據面言接大隈電云鄂員已另預備看操並囑駐使知會總署可卽飭方張十人迅速起程此日本美意亦小田切電往之力南洋人已行

鄂督張香帥來電

九月二十五日

俞撫台來電奉養電周詢正紳僉謂本省民情浮動粵東多盜深以開路失險爲恐並議右帥但爲桑梓計其云事關奉旨不敢堅持不辦者僅十之三然紳論如此尙無足輕重惟衡州以上民情極蠻貊尤甚見異必拒猝起難防理論無濟近

事可徵勘路周章更易滋虞如事在必行自當盡力保護有無意外實無把握至華員詣勘可無他虞有洋人便不同矣實情如此諸惟察酌請轉商盛京堂是禱特照轉

寄開封劉中丞樹堂

九月二十六日

盧漢以漢口至信陽爲第一段現派守備曾壽昌知縣王迴瀾大使張介壽同比國工程司耶布德四人已於九月十五由漢起程赴信陽勘起向南開辦除初三排單飛咨諒已遞到請飛飭朱道派員到工彈壓照料勘後卽須購地計信陽至武勝關河南屬地必須與鈞處

會委廉明幹員辦理乞卽酌定一人電示照辦

齊齊哈爾恩將軍澤來電

十月初十日

呼蘭一城尙無電局該處事極繁冗近又修建鐵路若不添設一線實屬運掉不靈且蘭綬爲通省商務薈萃之區非若他處得不償費也執事統籌全局邊陲素所關懷可否添設以期官商交益之處敬希裁酌

又十月十四日

眞電感甚呼蘭設局似宜在茂興站接線聞線道約三百八十里左右需桿約三千根上下此外應

需各項工料想李守自能查復惟物料運江必就
凍前趕運

甯督劉峴帥來電

十月十八日

英議紳貝提督來甯已派兵船於二十四在蕪祇
迂並飭格外優待惟鄂中若何與議練兵荆襄曾
否定約乞密探電示爲幸

寄華盛頓伍秩庸星使

十月二十三日

美工已由鄂勘起第四款五釐酬勞請改入密約以免
英比效尤

京總署來電

十月二十四日

嘯電進呈粵漢鐵路係奏准辦理所有派員帶同
美工師往勘應由尊處會同湘粵督撫出示曉諭
開封劉景韓中丞樹堂來電

十一月初五日

李守文慧奏調回浙改派張倅彭壽會辦路工以
便屆時沿途彈壓前託馮叔惠轉達諒已察及望
卽查照施行

寄江甯督劉峴帥

十一月初五日

奉微電已轉飭公學總理何守嗣焜預備俟有定期仍
乞預示重慶案未了宜昌又鬧法國教案奈何

寄齊齊哈爾恩雨帥

十一月初六日

洋總管摩拉電稱鐵路公司明年卽要在齊省至呼蘭
鐵路旁立桿挂線擬請與鐵路公司議准電局在其桿
上懸挂一線每年認費若干請示前來若照鈞意自造
恐俄仍要造究應自造抑照摩拉所請乞示遵

寄劉峴帥

十一月初十日

昨派鄭道赴甯聞俄前巴使明日來鄂必阻練兵事南
洋公學已諭各生治裝候送惟應否赴甯聽驗抑在滬
候省委到時隨行請示

濟南張中丞汝梅來電

十一月十四日

頃准大咨承募棉衣萬套仰見仁施推解惠我災

黎感激無既遵卽分飭查收照辦謹此叩謝

甯督劉峴帥來電

十一月十四日

徐海賑急款絀萬分焦灼現據李道徵庸電復籌
墊十萬金而所短尙多千祈大力匡助謹率億萬
災民百叩以請盼電復

寄劉峴帥

十一月十四日

奉文鹽兩電以徐海災重上煩宸廑宣誼屬桑梓尤
應竭力惟本年山東乞賑已墊四萬兩現值各局厥處
處告急籌款接濟難如登天然仰蒙聖恩憲德當於
無可如何之中飭局墊解銀四萬兩以助涓埃至應若

何勸捐歸補悉照李嚴道辦理

寄長沙俞虞軒中丞廉三

十一月十六日

工師等已抵臨湘告示已會印原船寄上詞意周密萬分欽佩

寄長沙俞虞軒中丞但湘良方伯

十一月二十六日

美工師約日內抵省聞一路安靜具徵中丞與方伯維護之力頃又電飭該工師勿久留能不進城更好現派薛守鴻年分勘醴陵一路乞司庫墊付湘平銀一千五百兩卽日匯還至感

寄廣東譚文卿宮保鹿滋軒中丞

十二月初七日

前月奉總署號電粵漢鐵路係奏准辦理所有派員帶同美工師一路往勘應由尊處會同湘粵督撫出示曉諭飭屬照約保護等因美工師九人由武昌岳州長沙昨已勘至衡州沿途安靜約年底到郴州香帥廩帥所派伴護文武各員均至粵界爲止惟總公司所派知府薛鴻年繙譯吳應科羅國瑞同至粵並添派前廣東候補府李祖榮卽日由滬赴粵應請鈞處迅速挈銜出示徑發飭屬保護並遴派文武幹員一二人馳赴樂昌交界處所迎護除咨達外合電聞

寄京總署 十二月初八日

據鐵路津局總辦張振榮陳名侃稟報盧溝橋至保定府已於十二月初八通車一路便橋小橋均工竣大橋尚須明年竣事乞代奏

寄長沙俞中丞廉三

十二月初九日

美工師續電仍由醴陵分勘東路如幹路向西則萍鄉運煤擬照奏案先造枝路由萍至淥口爲止而淥至漢必須測量水道現委朱牧伯增帶同洋人威林臣一名卽日由水路勘至淥口卽回岳已函請岳州張鎮台派一駁船接護人不上岸似可毋庸另派員弁只須請電張鎮並行知地方官便妥再漢至淥口測量水道專爲

拖駁運煤決不搭客載貨有損民利合併聲明

寄北京總署

十二月十四日

黔報遲延因瀘州一帶桿線被土匪砍壞甚多由滬運料甫到重慶已派員重修並嚴飭各局速遞矣

寄津榮中堂鄂張香帥

十二月二十日

津路局陳部郎名侃服闋稟請銷差擬派補用道分省知府錢鏐接代現值榆津改換局面金達經手材料亟須清釐已電飭該守先往查點以免散失盧保行車該守應駐盧保張道駐津專司轉運鈞意如以爲然請電示卽當會札咨行

安慶鄧中丞華熙來電

十二月二十四日

皖北重遭災歉補救不遑類屬渦陽又有土匪倡亂雖於兼旬之內一律剿平而匪蹤肆擾已數百里饑饉之後加以師旅災民困苦賑撫尤爲緊要現於司庫籌撥十萬金委員解往散放災廣人多日長款絀慮難爲計鳳穎等屬災區前已渥沾義賑茲復待援孔急敬祈代求上海義賑諸君子鼎力設法籌捐募集賑需派善士帶來助賑聞嚴紳作霖徐賑已竣並盼轉懇就近移往渦陽一帶躬親查放實與無數窮黎同深翹企

北京督辦鐵路許侍郎景澄來電

光緒二十五年正月初九日

現商津鎮路合同銀行欲添枝路由德州至正定
於盧漢有無妨礙乞酌示又津路電線現由馬家
堡接至城內已商准總署借款電報房擬自永定
門起借尊局電桿安線照案酌貼經費如蒙允乞
電知京局以便動工候電覆

寄北京許大臣景澄

光緒二十五年正月初十日

德州至正定枝路已轉電香帥候復電即奉達永定門
借桿設線已飭京局遵辦宣叩新禧

又

正月十二日

香帥復電已另轉陳去秋宣與德使面議本祇允其德州接至正定而不接天津嗣改定津鎮則盧漢已成枯幹正擬會奏接造黃河南北岸各枝路助還洋債今銀行欲添造東枝如津鎮合同權利我操不致如膠濟之失似亦無分彼此否則誠如香帥所言應請鈞處力爭不允其再添枝路以保利權仍乞鈞裁

寄北京總署

正月十五日

東北公司所訂電報密約已簽字頃據恆甯生接俄使復電華電局與大北專約內欲與中國內地各處設置水線非與訂約各造爭利者不在此例字句之下添入

而此例亦不得阻擋由旅順口安設水線與俄電線相接專傳俄國與旅順口往返電報字樣閱俄使先與恆電內稱旅順可與不論何處俄線相接是暗指東三省鐵路陸線電局不允乃改指水線字樣祇由旅順通水線至琿春工本較重未必卽造且俄若必要設此水線中國亦難阻擋似可照准究有限制所添字句英丹合約內不入可勿慮他國援引候鈞示

北京總署來電

正月十六日

日使矢野稱貴處光緒二十年議購海線與大北公司立有條約請將此約代鈔漢洋文各一分逕

交上海日本總領事等語此約是否可給該使閱
看如可卽由貴處鈔給並電復

寄北京總署

正月十七日

矢野屬鈔大北公司電約已摘鈔與總領事閱看矣

北京總署來電

正月十七日

恆甯生密約稿尙未接到約內添改字句關係若
何本處無從懸揣仍希貴大臣酌辦電復

寄京總署

正月二十五日

奉敬電示應在澤州懷慶交界處造至衛輝再在汝信
一帶接造西至襄陽於盧漢添枝路可收鑛產運腳仰

佩蓋籌周至遵俟福公司就商通籌妥辦仍當隨時電請鈞示

寄北京許大臣景澄 二月初七日

關路匯豐借款合同乞鈔示因英美江浙粵漢兩路現議正約有援引處亟待核對津鎮合同如已訂就亦請密鈔寄示彼族素狡凡他處有利益輒欲同沾須融會貫通以定准駁

北京總署來電 二月十二日

美使偕鐵路公司巴菴來言粵漢道路現已勘畢地圖將次繪就巴擬日內出京赴滬請電尊處從

速與議以便早日開辦等語希查照

黑龍江恩雨三將軍澤來電 二月十二日

真電敬悉已飭接運人員前往矣現派委員田雨
霖前往呼蘭開辦電局據稱創辦之初需人助理
有吉林電局副領班陸林生報生華義方劉秉成
前在江省人地相宜稟懇電調等情弟覆查所稟
自係實情仰祈閣下念蘭局開創伊始辦事需人
准飭該生陸林生等三人來江任用感荷匪淺靜
候玉音

寄齊齊哈爾恩將軍澤

二月十三日

文電敬悉陸林生誦義方劉秉成均在吉林當差遵已
電調赴齊聽候差委

寄鄂督張香帥 二月十五日

日本鐵廠總辦和田來滬持伊藤函面商以彼煤焦易
我鐵石今赴鄂謁見後赴大冶看鑛彼請第一辦法係
租山由其自開已力阻不允第二辦法只售鐵石按噸
定價或換焦煤當可無弊相約回滬再議惟須一年後
方有用處治鑛需員孔亟前函商調憚令尙未蒙復適
解守銷假已令先赴大冶矣

寄北京總署 二月十六日

廣州至九龍鐵路怡和因竇使到滬立催畫押此事已與美國派來經理人坎理說開並無爭論擬卽於十七日與怡和畫押

寄濟南張中丞汝梅 二月二十二日

西報十九德國兵船距膠州約二百里之地由日照登岸與土人爭鬪等語如有其事請飛飭各州縣保護電桿以免阻隔乞電示

濟南張中丞來電 二月二十三日

德人因教案派兵百名至日照以保教爲辭並未滋事當不致毀及電桿查日照教案久已議結無

端派兵屢阻不聽今已電由總署與德使及其外
部辯論矣電報關係甚大仍當隨時飭令各州縣
妥爲保護

寄鄂督張香帥

三月初三日

念劬謂日本陸軍桂提督得南洋函甚喜擬請鈞處亦
予一函以昭睦誼

廣州鹿中丞傳霖來電

三月十七日

現九龍土民與英滋事勘路須從緩

鄂督張香帥來電

三月十七日

德藩十九日到漢二十一日晚泊黃石港二十二

愚齋存彙

卷九十三

三

日坐火車遊鐵山鋪但二十一日無事或遊觀漢陽鐵廠槍礮亦未可知盛守在羊樓崗未回祈速電鐵廠及黃石港鐵山各委員妥爲預備接待爲要

寄鄂督張香帥

三月十八日

遵已電飭鐵山委員預備並飭宗令等與礮廠會同接待

又

三月十九日

法蘭吉所呈租地章程諒已察核頃比費使過滬二十
三回國面託轉懇迅速允准使其回國稍有體面比款

售票加倍比匠到漢日多如允工匠當格外感奮云管見於收回一節預定不加地價只照原價給還乞鈞裁示復再與爭定

又 三月二十日

頃與比費使面商須照路款定三十年限期路款還清卽照原價收回費欲添三十年後若比國事未辦完尙可展期並欲於二十二定議二十三起程乞鈞示

寄戶部大堂王尙書文韶 三月二十四日

萍鄉煤鑛騎虎難下現在南北洋豈肯擔肩只能立案而已洋人看治鐵萍煤兩鑛足值千萬我若惹置彼必

乘隙爲之乞成全免決裂

北京王夔石尙書來電

三月二十九日

萍鑛極有關係署已照辦復有電矣惟江右噴有煩言恐有封事宜速剴切片奏預爲之地勿遲

寄華盛頓伍大臣

三月三十日

原約六款小票只領餘利不作別用坎理欲照小票虛數另索利息斷不能行望勸美華勿致決裂

北京馮志先來電

四月初二日

今日有人奏萍煤不應以招商產業作抵奉旨交香帥查復務請秘之

寄華盛頓伍大臣電

四月初四日

坎請給六百萬金餘利債票另給六釐息三十六萬金
餘利再分五分之一堅稱原約如此弟係照兄漢文合
同奏咨並無給息字樣擬請 旨仍歸兄議

日斯巴尼亞都城伍大臣來電

四月初七日

現駐日都未攜約稿請據漢英合同力爭如狡賴
卽由弟議擬月杪返美

北京總署來電

四月初七日

俄使稱台閩海線售後貴處與大北公司總辦已
簽合同請本署按照二十三年合同成案簽押等

語貴處二月間咨送恆甯生合同未經聲明究竟
應否由署簽押卽希電復

寄北京總署 四月初八日

二月間呈送恆甯生合同照舊案應請鈞署核准在合
同上蓋印不必簽押

寄北京總署許大臣 四月初八日

津鎮合同大致照盧漢乞速鈔寄現與怡和匯豐議滬
甯合同堅持盧漢式樣不收洋股擬再援津鎮藉助他
山盼甚

甯督劉峴帥來電 四月十四日

剛來不知何事惟有靜候查辦意船到淞五艘事
機日迫已嚴密辦防

寄鄂督張香帥

四月十五日

萍事仁和所言必確粵漢所爭利而已尙可遷就滬甯
已回絕彼云須聽倫敦消息津鎮幸賴竹老回天之力
遵卽電懇設法內外堅持

德州袁慰帥來電

四月十五日

旨令外遣偵探前派江朝宗赴膠張文林甚幫助
要事用公報代發特布謝

寄武昌張督帥長沙俞中丞

四月十五日

意止四輪初想恫喝今可無事聞止要沙門對過一小
島屯煤並索造沙至杭鐵路便可下台英俄分佔南北
約成德肆意橫踞東路袁軍移駐德州毓袁如不善因
應難保不滋衅法人欲佔巴蜀杞憂曷已

北京總署來電

四月十七日

俄公司擬由東省鐵路添枝路至北京本署堅拒
不允並告以嗣後概不允他國借款接築至京聞
比公司有由盧溝橋接至彰儀門之說如有此請
希力阻免貽口實爲要

北京李傅相來電

四月十七日

俄索造枝路通京師欲以抵制英包造關內外之路現經勸阻緩議太原至陝並無此說滬甯改爲洋股盈虧國家不問方免後患盧漢津瀋津鎮皆言明保利保本試問十年以後纏擾何堪設想路必終歸外人弟須堅持華洋合股之議餘事稍寬銜勒則事可成否則滬甯浙漢粵漢可罷議聞萍鄉煤鑛以商局產本作抵頗滋物議慎之

寄甯督劉峴帥

四月二十五日

頃晤良相告以帥有退志論時局重臣斷不可動卽如阻當白藻泰事嚴厲而外人莫不斂抑良相云此來查

愚齋存藁

卷九十三

明道七十

弄

愚齋存藁

件雖多帥是重臣精神雖差須要勸其認真報答 朝廷我決無爲難之意又謂閱看各礮台後須先繪圖入奏吳淞拆礮台事恐在查件內又謂須查核各處款項意在搜括巨款時事日急變態日多保全江南元氣惟公是賴

愚齋存稿卷第九十三